

476/21 16-04-2021



JAVNO PREDUZEĆE ŽELJEZNICE FEDERACIJE BOSNE I HERCEGOVINE  
društvo sa ograničenom odgovornošću SARAJEVO  
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 102050000088171, DEVIZNI-IBAN:BA39+102050000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-5686-1-8.1./2021

Datum: 15.04.2021.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14), člana 58. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 18. Pravilnika o javnoj nabavci roba, usluga i radova broj: UD-6270-1-2/2016 od 27.05.2016. godine, te Pravilnika o I izmjenama i dopunama pravilnika o javnoj nabavci roba, usluga i radova broj: UD-20986-1-6/2016 od 02.12.2016. godine i Zapisnika o pregledu i ocjeni ponuda sa preporukom Komisije, broj: GD-67-1/20 od 31.03.2021. godine, Uprava Društva na 2. sjednici, održanoj dana 15.04.2021.godine donijela je:

#### O D L U K U

o izboru najpovoljnijeg ponuđača

##### I

Ugovor za javnu nabavku roba – službena odjeća i obuća, za potrebe Željezničkog operatora, Željezničke infrastrukture i Opštih poslova JP ŽFBiH d.o.o. Sarajevo dodjeljuje se ponuđaču PTD "MEN" d.o.o. Travnik u ukupnom iznosu od 1.189.851,00 KM bez PDV-a, odnosno 1.392.125,67 KM sa PDV-om, po provedenom otvorenom postupku javne nabavke sa dodatnom objavom na engleskom jeziku, tender broj: GD-67/20.

##### II

Ugovor se dodjeljuje na osnovu člana 64. stav (1) tačka a) – ekonomski najpovoljnija ponuda.

##### III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

##### IV

Ova Odluka stupa na snagu danom donošenja.

#### O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: 1-20889-1/2020 od 23.12.2020. godine odobrio pokretanje otvorenog postupka sa dodatnom objavom na engleskom jeziku javne nabavke roba – službena odjeća i obuća, za potrebe Željezničkog operatora, Željezničke infrastrukture i Opštih poslova JP ŽFBiH d.o.o. Sarajevo, tender broj: GD-67/20.

UIC 50

Bosna i Hercegovina

Na portalu javnih nabavki objavljeno je Obavještenje o nabavci pod brojem: 1050-1-1-28-3-6/21, dana 26.01.2021. godine, te u "Službenom glasniku BiH" broj: 6/2021 od 29.01.2021. godine. Rješenjem Predsjednika Uprave - Generalnog direktora, broj: 1-20890-1/2020 od 23.12.2020. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Alen Džano – zamjenik predsjednika, Sabiha Kajmović – član, Esad Efendić – član, Edisa Brčić – član i Adisa Kurtović – zamjenik člana. Zamjenik sekretara Komisije Azra Mešanović - Ridić.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 12.03.2021. godine u 12:00 sati izvršila javno otvaranje ponuda. Do roka određenog za prijem ponuda, dostavljene su tri ponude ponuđača i to:

1. Ponuda ponuđača **"ZENKO" d.o.o. Zenica**, koji je ponudio:  
**Cijena:** 1.187.621,00 KM (bez PDV-a), odnosno 1.389.516,57 KM (sa PDV-om),  
**Uslovi i način plaćanja:** 60 dana od Zapisnika o prijemu robe i ispostavljene fakture za isporučenu robu,  
**Rok isporuke:** 8 dana od dana izdavanja narudžbenice od strane kupca.
2. Ponuda ponuđača **PTD "MEN" d.o.o. Travnik**, koji je ponudio:  
**Cijena:** 1.189.851,00 KM (bez PDV-a), odnosno 1.392.125,67 KM (sa PDV-om),  
**Uslovi i način plaćanja:** 60 dana od dana isporuke i prijema fakture  
**Rok isporuke:** 8 dana.
3. Ponuda ponuđača **"KOTEKS d.o.o. Tešanj**, koji je ponudio:  
**Cijena:** 977.368,00 KM (bez PDV-a), odnosno 1.143.520,56 KM (sa PDV-om),  
**Uslovi i način plaćanja:** 90 dana od dana dostavljanja narudžbenice,  
**Rok isporuke:** 75 dana od dostavljanja narudžbenice.

Komisija je pristupila pregledu i ocjeni pristiglih ponuda, te utvrdila sljedeće:

Ponuda ponuđača **"ZENKO" d.o.o. Zenica** je ocijenjena neprihvatljivom i ista se odbacuje iz sljedećih razloga:

- Ponuđač je propustio da dostavi Izjavu iz tačke 13.4 b) tenderske dokumentacije u formi kakva je zahtjevana tenderskom dokumentacijom. Naime, ponuđač je zahtjevanu izjavu iz tačke 13.4 b) tenderske dokumentacije ovjerio svojim pečatom, umjesto da istu ovjeri kod nadležnog organa (notar, organ uprave).

Tačka 13.4 b) tenderske dokumentacije glasi: *Izjava ponuđača ovjerenom od strane nadležnog organa (notar, organ uprave i dr.) o ukupnom prometu u segmentu poslovanja koji je predmet ugovora u vrijednosti 1.150.000,00 KM u periodu ne dužem od 3 (tri) posljednje finansijske godine ili od datuma registracije, odnosno početka poslovanja ako je ponuđač registriran, odnosno počeo sa radom prije manje od 3 (tri) godine.*

Pri pregledu ponude, Komisija je konstatovala da cijena ponude ponuđača "ZENKO" d.o.o. Zenica prelazi procijenjenu vrijednost javne nabavke, koja po Odluci o pokretanju postupka broj: 1-20889-1/2020 od 23.12.2020. godine iznosi 1.150.000,00 KM (bez PDV-a).

Ponuda ponuđača **PTD "MEN" d.o.o. Travnik** je ocijenjena prihvatljivom, jer ista ispunjava sve uslove tražene tenderskom dokumentacijom.

Pri pregledu ponude, Komisija je konstatovala da cijena ponude ponuđača PTD "MEN" d.o.o. Travnik prelazi procijenjenu vrijednost javne nabavke, koja po Odluci o pokretanju postupka broj: 1-20889-1/2020 od 23.12.2020. godine iznosi 1.150.000,00 KM (bez PDV-a). Ugovorni organ je prilikom procjene vrijednosti javne nabavke smanjio za 10% procijenjenu vrijednost postupka radi ušteda u odnosu na vrijednosti predmeta nabavke iz prijašnjih ugovora i trenutne tržišne vrijednosti.

Ponuda ponuđača **"KOTEKS d.o.o. Tešanj** je ocijenjena neprihvatljivom i ista se odbacuje iz sljedećih razloga:

- Ponuđač je propustio da dostavi Izjavu iz tačke 3.4 tenderske dokumentacije kojom ponuđač izjavljuje da u svhu izvršenja ugovora koji je predmet postupka neće zapošljavati radnike.

Tačka 3.4 tenderske dokumentacije glasi: *Na osnovu člana 72. stav (6) Zakona, ugovorni organ u ugovoru obavezno postavlja uslov da ponuđač kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora. U skladu sa članom 72. stav (6) Zakona ponuđač je dužan u ponudi dostaviti izjavu na memorandumu ponuđača potpisanu i opečaćenu od strane ponuđača kojom se potvrđuje da ponuđač ukoliko mu bude dodjeljen ugovor po ovom postupku javne nabavke neće zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.*

- Ponuđač "KOTEKS d.o.o. Tešanj je također propustio da dostavi izjavu iz tačke 20.2 tenderske dokumentacije kojom se obavezuje da ponuđena cijena neće biti promjenjiva.

Tačka 20.2. tenderske dokumentacije glasi: *Jedinična cijena i ukupna vrijednost koju navede ponuđač u ponudi neće se mijenjati u toku izvršenja ugovora i ne podliježe bilo kakvim promjenama. Ponuđač u ponudi ovo potvrđuje izjavom na memorandumu ponuđača ovjerenom potpisom i pečatom ponuđača. Ugovorni organ će kao neprihvatljivu odbiti onu ponudu koja nema izjavu o nepromjenjivosti cijena ili koja sadrži cijenu koja se može prilagođavati, a koja nije u skladu sa ovim stavom.*

Komisija je konstatovala da je ponuđač "KOTEKS d.o.o. Tešanj ponudio rok plaćanja kao jedan od kriterija za bodovanje ponuda od 90 dana što je suprotno članu 12. stav (1) Zakona o finansijskom poslovanju i tački 22.2 tenderske dokumentacije koja glasi:

*Maksimalan broj bodova kojeg ponuđači mogu dobiti za rok plaćanja iskazan u danima je [5] (slovima:pet). U slučaju da ponuđač ponudi rok za plaćanje duži od 60 (šezdeset) dana u skladu sa članom 12. stav (1) Zakona o finansijskom poslovanju («Službene novine FBiH» broj 48/16 ) ugovorni organ će računati da je ponuđeno odgođeno plaćanje do maksimalno 60 (šezdeset) dana. Ponuđači će u skladu s tim dobiti bodove prema sljedećoj formuli:*

$$N = \frac{N_p}{N_m} \times [XX]$$

*Pri čemu je:*

$N$  – Broj bodova koji je ponuđač dobio za rok plaćanja,  
 $N_{max}$  – Najduži ponuđeni rok plaćanja,  
 $N_p$  – Rok plaćanja ponuđen u ponudi koja se ocjenjuje.

U skladu sa tačkom 20.2 tenderske dokumentacije prilikom evaluacije ponuda Ugovorni organ je računao da je predmetni ponuđač ponudio rok plaćanja od maksimalno 60 (šezdeset) dana.

Cijeneći gore navedeno, a nakon izvršenog pregleda sve tri ponude, Komisija je dala prijedlog Upravi Društava da razmotri mogućnost odobravanja dodatnih finansijskih sredstava za predmetnu nabavku, obzirom da ponuda ponuđača koja je ocijenjena prihvatljivom PTD "MEN" d.o.o. Travnik, svojom cijenom od 1.189.851,00 KM (bez PDV-a), odnosno 1.392.125,67 KM (sa PDV-om) prelazi procijenjenu vrijednost javne nabavke, koja po Odluci o pokretanju postupka broj: 1-20889-1/2020 od 23.12.2020. godine iznosi 1.150.000,00 KM (bez PDV-a), te da u slučaju odobravanja sredstava donese Odluku o izboru najpovoljnijeg ponuđača, kojom se Ugovor za javnu nabavku roba – službena odjeća i obuća, za potrebe Željezničkog operatora, Željezničke infrastrukture i Opštih poslova JP ŽFBiH d.o.o. Sarajevo, tender broj: GD-67/20, dodjeljuje ponuđaču PTD "MEN" d.o.o. Travnik, u iznosu od 1.189.851,00 KM (bez PDV-a), odnosno 1.392.125,67 KM (sa PDV-om).

Ugovor za javnu nabavku roba – službena odjeća i obuća, za potrebe Željezničkog operatora, Željezničke infrastrukture i Opštih poslova JP ŽFBiH d.o.o. Sarajevo dodjeljuje se na osnovu člana 64. stav (1) tačka a) Zakona o javnim nabavkama ("Službeni glasnik BiH" broj: 39/14), odnosno kriterija ekonomski najpovoljnije ponude.

#### Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo u roku od 10 (deset) dana od dana prijema Odluke, u skladu sa članom 101. Zakona o javnim nabavkama ("Službeni glasnik BiH", broj: 39/14).

Dostavljeno:

- Željeznička infrastruktura,
- Željeznički operator,
- Sektor opštih poslova,
- Sektor za nabavke i prodaju x2, AMELA
- Sektor plana, analize i raspoređivanja prihoda,
- Ponuđačima/x3,
- Uz Zapisnik,
- a/a.

Predsjednik Uprave – Generalni direktor

Enis Dzafić, mr.ecc.



UIC 50

Bosna i Hercegovina